

百
柱
堂
全
集

百柱堂全集卷十一 丙午

監利王柏心子壽著

鄂城看海棠憶潤臣展雲

仙人護絳綃倚醉發嬌饒雨細微施暈雲紅欲作潮芳辰眷
妍淑獨客悵清寥疇昔城南路誰聯紫陌鑣

答孝長

故人旌節半中州阿閣鸞皇各自求白首雄文驚海內青春
獨客滯滄洲八公桂樹淮南遠萬仞蓮花天際浮君將詣維揚子亦欲

送張韻仙之應州

長嘯撫雄劍北上勾注山平沙捲大漠萬里何茫然衝風蕩
胡鴈散落神武川問子欲何適策馬窺窮邊崎嶇白登道能
不憚險艱投闌奔寶璐當戶鋤芳蘭物理固如此薄俗良獨
難流沙寄伯陽遼海栖幼安丈夫事高舉豈得辭閒關慷慨
卽長道何用多感歎

和春木翁病中言志之作

生才眞宰意何如一老清時海上居王霸學嚴千載辨藝文
功在五朝書遙遙各自憐卽歷落落何須羨鳥魚寄語松風
舊亭長芟荷吾已製衣裾

與鳧翁夜話

鈴閣江干鼓吹長中宵白髮話蒼涼衣冠禁陛思仙仗弓劍
橋山泣 睿皇師友累朝聞正始風流一老屬靈光杜陵貪
倚巖公幕已謝雲霄畫省郎

江上

雲台岡欲重林回岸如複波光浮空來微風漾輕縠時見天
際峯飛墮半江綠汀洲生白蘋千里送春日思與謝元暉共

詠江上曲

吳子又桓招同諸君登西山絕頂復下飲寒溪寺

西山如故人三載復覲面我友晨相招南度武昌岸蒼翠惟
茲山涉夏益葱蒨精矚芳隨風生嵐氣挾露泣睇崖爭導先陟

嶺各忘倦城郭分微茫江湖雜隱見壑坼蒼磴危松翻白雲
亂劍石猶崢嶸何處避暑殿古來英雄人俛仰速飛電惟有
千仞峯嗟峨長不變太息仍下山命酌招提院興盡舟復還
青山夢猶戀何當效巢居築室老巖畔

遊西山遇余子母巖因贈以詩

意外忽相見捫蘿共入山天風吹笑語散落萬松間老鶴巢
堪俯飛猿磴可攀夕陽下高郭因逐暮樵還

垂老諸生籍長貧宰相孫豈無傳笏在徒有著書存林月宵
開甕山雲日到門巢由逢帝世何用策高軒

鮑參軍墓

長江下溢浦東繞新蔡城城邊有古碣傳是參軍塋伊昔負
文藻詣闕頌河清遭逢好文主不得陪承明坎塲佐藩服適
與喪亂嬰瘞魄委榛莽狐兔走縱橫豪貴若颯電邱隴無不
平惟有俊逸才日月懸高名雖託萬鬼宅終爲千載英蘭艾
人必判志士多崢嶸樹立各有在來者毋吞聲

明內官監牙牌歌

內官牙牌見遺製傳自崇禎八年賜頒發應關尙寶卿職司
特屬中常侍烈皇踐阼威斷雄親焚要典誅元兇前車殷鑒
亦未遠覆轍何不防其終十七年間五十相蔑視廷臣不足
仗腹心所寄惟貂璫鎮守監軍日相望居庸關啟虛無人飛

矢直射大明門，縋城迎賊實。若輩殉帝獨，有王承恩自從鐵。
碑踏入土，煌煌大訓不可覩。嗚呼！何人開亂門，不咎懷宗咎
成祖。

寄逸齋

千春廟食重鄉枌，帝謂中丞舊有勲。涕泣敢忘寬大詔，心
肝須奉聖明君。九霄閭闔懸丹極，五月滄江臥白雲。今日
漢廷才俊集，可無麟木對中軍。

海有巨鼈行送凌，豐叔水部由嶺南。入都兼憶梅生芝，房二
子

西風倒捲滄江流，江聲散作高城秋。我對西山且將別，送客

更倚天邊樓經年苦憶日下彥故人孫李久不見君又去我
炎洲行萬里張帆涉海甸海有巨鼇頭冠山珠宮火齊光衝
天候潮跋浪意叵測或恐搖蕩三山顛龍伯大人醉方起手
持釣竿不敢擬昏昏蜃市浮空高仙才豈合久留此早度江
南遺蘄北九扇天門鼓鵬翼朝霞五色蓬萊宮揮毫正待謫
仙客往逢孫李若相憶道我形容已山澤

紀南行

紀南城東火光起白晝大掠渚宮市遼東子弟操庫兵男奔
婦竄哭不止長戈利劍光皚皚轅門上將如死灰橫尸縣門
不敢顧一月未見高城開汝曹自號皮室軍百年豈有戎馬

勛此郡歲額餉百萬飼養豺虎專噬人汝不聞魏博牙兵八
千戶有時血肉化爲土汝曹齎粉何足悲所惜法令玩軍府
東來節使行毋遲何不下令肅礎斧
齊安觀察廨中餞豐叔分韻得影字

躍鱗無恬波征翰少停影亮爲青雲人高步貴先逞羅雲輝
絳霄秋風動金井臺使張離筵上客赴華省羽爵酣未終蘭
橈促已整云當踰九江又欲度五嶺如聞炎洲濱有鱗尙思
騁琛詭苞窮奇寔安狎獷猛海賦何足誇越裝且須屏所重
經世才制防洞要領早行還朝端因事抒忠鯁庶幾閭閻聞

鏡海萬年靜

遊子吟爲彭子雲賦

朝歌遊子行暮歌遊子行
激楚振林木涕下霑長纓
青陽渥靈澤槁葉回光榮
悲此遠遊子戚戚長屏營
高山有伏兕大海多潛鯨
茫茫九州內孤雲安所征
遊說未足慕金丹難遠
成豈如駕言返日奏南陔笙

古詩三章寄伯韓侍御

懿彼孤生葵陽輝心所宗
朝脯結傾向宛轉西復東
中天麗白日驂駕皆飛龍
垂光溢八表何不燭微衷
素節逝云屆凜凜多寒風
零落不敢惜庶以明丹棕
貞性有如此肯爲蕭興

蓬

古來規國家隆替視言路諤諤朝則昌唯唯職多負伉直汲
長孺剛鯁蕭太傅守郡輒先辭戀闕不能去豈不櫻龍鱗屢
犯萬乘怒納約期自明彌縫冀終悟念欲翊 皇輿王臣匪
躬故

日輪馳西暉回飈扇深谷槁葉縱飛瓊樹焉可託鸞鷲南
海歸不得留信宿鸞斯何翩翩呼羣飽餘粟惟有九苞禽高
棲在貞木振羽不妄飛忍飢不妄啄勿遽翔故山光華且可
復留此朝陽鳴百鳥氣猶肅

中秋得子方廉使秦中書卻寄

寥天賓鴈暮遐征書到江干問友生哀樂莫嗟人事改嬋娟

休負月華明澄輝迴映南樓夕流影分懸北斗城千里凭關
同不寐關山誰奏笛中聲

鵲山亭獨坐

驟覺風驚雨徐知葉墜林江清沙漸露秋老晝常陰翔鵲猶
當捲潛蚪不厭深惟應楚漁父知我此時心

胡子重示我近詩書此奉憶

苦師少陵法獨有石莊孫老至復開卷飢來長杜門形骸甘
土木耕釣答乾坤歿表猶須謝聲名不用論

浩歌燕酒市悵望楚晨星秋火依然白江峰不改青俗塵予
抗走篇翰爾精靈倘免移文誚松蘿許叩肩

寄宗滌甫侍御

久橐甘泉筆今裁柱後冠星廬依闕下霜簡想臺端

主

聖昌言易名高答望難得人欣柏署遙羽盡鵷鷺

時戴雲帆
宗子蘭均

相繼入
諫垣

帳飲都門路飄零省署香薦犧蒙叟憚歌鳳楚人狂杞菊山
園足松蘿欄戶芳雲霄如問訊吾業在耕桑

滋陽橋晚步

野色平原聚晴暉遠堞浮陂荒全類漁山瘦不勝秋高柳風
先覺殘荷暑尙留無人共來往相對只閒鷗

送陶楂仙年丈之官朗州

鳳池仙客出鑿坡佐郡南浮七澤坡湘浦月明猿嘯起衡陽
秋老鴈聲多桃花源水迎雙旆杜若芳馨續九歌今日長沙
卑溼減題輿壯志豈蹉跎

答梅伯言文

潛郎高臥 帝城春倦看車前十丈塵破的清言傾座客閉
門元草謝時人朝中偃蹇吾龍蠖海內文章孰鳳麟材力起
衰功不易須憑一髮係干鈞

疏麻千里訊江干歸客狂歌興已闌舊夢雲霄雙鳳闕秋風
天地一漁竿城南勝賞空惆悵冀北離心正渺漫東馬嚴徐
皆俊侶幾時聯騎更追權

寄梅生太史因訂吳遊

顧問趨鸞掖 君王許鳳毛 上林仍翫出 大藥儻相遭 歲月

東山逸星辰 北關高歌聲 何激烈 中夜想夔皋

魂銷歧路別 夢繞 帝王都 零雨思千里 秋風動五湖 書來

招楚客 興發效吳趨 不待丹楓落 扁舟可就途

吳遊不果喜聞梅生將至

我輟吳門權 君歸湘水濱 荆班情道故 劍合氣通神 衡嶽鷹

歸處清時龍 臥人長源終 赴召莫作久 遂巡

展雲太史典 試粵西使畢 過楚賦送還朝

斗映文昌氣 秋高使者星 楓宸辭北極 桂管近南溟 年少推

詞苑詩工紀

御屏

皇恩宏棧樸臣往貶參苓李郭攜仙

侶嚴徐出禁廷扶輪懸水鏡淬鏑就霜刃采棟無遺幹舉蘭
不匿馨驪珠升的燦虹璞剖晶熒才俊門應滿登臨展屢停
石森樓閣勢峰削劍鋒形乳竇凝千佛崖陰護百靈雲連三
楚白山合九疑青荒微偏暄燠蠻天倏杳冥箐林飛暗雨藤
峽走驚霆疆啟秦時郡標留漢將銘征輶增嘯詠史筆補圖
經攬轡歆初熾旋植雪未零舊攀京國柳新聚楚江梓共喜
聯稽呂無嗟避尹邢憶離丹鳳闕歸戀白鷗汀軒翥慚周鷺
騰驤遜魯駟予餐騷客菊子傍帝階奠金馬鳴珂入銀虬
激箭聽寵光承畫殿藻翰揆天庭落葉紛歧路離雲繞驛

亭還 朝羣彥問爲報樂巖扁

題蜀閣遺翰冊

蜀閣遺翰者蔣念亭大令分校時手蹟也大令主衛藏館
某將軍誣以法殞于邊陲蜀人至今傷之嗣君霞舫太史
裝治爲冊奉以徵題愴然賦此

直弦終不改蜚語亦何危李廣軍皆哭馮唐節已遲鎖閣留
故事遺翰表文詞蜀血今猶碧巴雲黯黯悲

名父摧鸞羽孤兒蔚鳳毛起家仍上第染翰入詞曹清白門
無忝寬仁 帝總袞如修良吏傳彤管待親操

寄夔臣宮允

仙槎倦泛絳河濱
據地酣歌效隱淪
問卜何曾逢季主
借居從不詣平津
鳩嘲燕諂空流輩
鳳逸龍盤自俊人
朝謁近來聞漸少
西山秋骨想嶙峋

得袖石同年書卻寄

歲星來傍漢廷遊
金馬門前隱者流
自擬郊樊成僻徑
不知冠蓋滿神州
心竒海鶴超三島
句健飢鷹下九秋
燕市和歌人漸散
時煩書札向滄洲

江行雜詠

朝攜綠玉杖
揮手別高樓
疊嶺霧中出
寒江天際流
邴生辭薄宦
騶衍客諸侯
未逐鴻濛去
聊同汗漫遊

去住等無意閒雲倦更飛長爲流浪梗有負故山薇才處諸
公下貧嗟百計非凋年更何適林壑望人歸

楚扼西南要時停上客車故人多節鉞使者半旌旗文采高
岡鳳波濤大壑魚長卿甘病免封禪亦無書

開豁滄洲勢能生萬里情旭輪浮海出霞彩射江明大澤思
垂釣中流愛濯纓煙波忘遠近浩蕩白鷗征

鄂州城北郭萬估日喧闐水國開都會舟居雜市塵蓬房宵
沸管豪客盡攤錢村柚誰能告窮櫓亦可憐

指塘角汛

嗟法今何密沿江逐捕勞民將愁疾首吏乃析秋毫乾沒多
亡賴豪華屬此曹曾聞經國計不欲盡錐刀

晚江元自斂，月出浩漫漫。沙帶流霜潔，星兼遠火寒。扁舟驚歲暮，荒板逼宵闌。亦有翩翩鴈，高飛不下灘。

泛秋會，幾日擊楫復江潯。岸階回湍急，天寒束壑深。盈虛原有數，壯老迭相尋。靜悟浮生理，悠悠哉川上心。

宋末陽邏堡，化爲蟲與沙。戰爭凡幾姓，生聚復千家。灘共黃牛險，山連白虎斜。漸聞喧曉渡，津市足魚鰕。

元禮行何滯，仙舟久未來。空占函谷氣，獨上楚王臺。安石山中臥，夷吾天下才。救時終望子，曷往贊康哉。

待李子梅生久不來

物候看頻換，川塗亦屢經。霜濃林絢紫，冬暖岫餘青。閭閻懸天路，班行憶漢廷。不才甘散棄，休擬少微星。

西山如避俗，矯首入雲中。俊拔心俱迥，蒼寒態轉雄。望邊迷
桂壑，天半落松風。四度維舟客，還應舊雨同。

使節恆多暇，賓筵屢荷招。簪裾盡潘左，軒冕見松喬。慣聽黃
州角，曾陪赤壁簫。歲寒盟不替，重爲駐蘭橈。

黃州謁韓魏公讀書堂

祥麟瑞鷲人見稀，偶然遊止生光輝。黃人每道魏公蹟，亦知
東國歌袞衣。涵輝高樓竟何有，讀書之堂圯已久。此邦官吏
皆風流，重拓高齋復其舊。公昔捧日升扶桑，阿衡公且相頡
頏。少年舊遊尙歷歷，四十餘載嗟不忘。精神上天控箕尾，浩
氣猶當下來止。重令草木發華滋，更遣江山吐奇偉。去年羸

馬經相州江上仍尋公昔遊漁樵事業豈堪問將相助名安
可求升堂懷抱空輪囷浩歌不見非常人乾坤閒氣鬱磅礴
眞宰何年方降神嗟乎讀書誰似公正笏定策危疑中君不
見紛紛新法誤人國六籍高談竟何益

大雪飲楊山人宅

峭石何年削成壁修蘿倒垂幾千尺憑虛樓閣凌丹梯蒼巖
下結幽人宅叩門風雪來相尋主人布席鳴青琴泠泠自奏
山水音餘響散入梅花林銅槃華燭光爛爛割鮮行炙復張
醪當空顚氣騰清英羣岫窺窗皎如練梨花萬樹何參差片
片不異春風吹仙人如麻騎白鳳勸我但醉流霞卮人生聚

散眞茫茫百年豈得皆歡場相逢今夕不盡飲明朝綠鬢生
繁霜雲開漸欲吐華月酒酣逸興更超忽乘風且往朝玉京
咫尺銀臺便飛越

百柱堂全集卷十二 丁未戊申己酉

監利王柏心子壽著

張仲遠同年出示所著詩爲題其後

賈生達政體智術如盧扁大瘡及跋盤鍼石施未然翳能上
不使遇主猶逆遭張侯志經世諷諭何纏繇反覆述疾疢兆
伏陰陽愆防危始諱疾至治繇任賢元氣恃回幹推本君相
權刀圭可上理王霸包其全應氏賦百一小言徒萋萋豈如
闡治術永永休命延誰能持此什上應韜鐸懸臆眩必見納
可媿說命篇

平生管嬰略遜迹爲韓康鬱鬱效小試綰綬來江鄉吾聞仁

怨吏境內猶室堂族姓共呼噏嘖呻如在旁期會亦有迫撫
字終無傷競絛靡偏任審俗爲弛張下邑未可薄經緯况一
方令長盡豈弟寔寓皆太康吾子紹家學經術兼循良願言
積悃愾期之歲月長鳴琴但安坐傾耳聆歌棠

清明客武昌

宿雨浥朝光鳩鳴陌上桑客中饒物色靜裏惜年芳煙柳樊
山暗汀花鄂路長還聞泥滑滑出郭屐仍妨

仲遠同年哀朝鮮使者各詩札裝爲長卷率題一首

中朝文物被雞林使者東來慕盍簪京國一尊歧路酒滄溟
萬里故人心海雲暗護封題遠梁月常懸寤寐深此日車書

通寄象殊邦原不隔同岑

登西山絕頂

千山春色散巖霏曲磴盤空一振衣
江豁虛光隨地坼峰浮晴氣挾雲飛
林花寂寂詞人往礪草年年霸業非
幽賞不知芳序晚莫教鷓鴣報斜暉

縣齋諸子招同仲遠大令飲寒溪寺因偕登西山

皋壤連岡抱招提枕麓分遠春濃若海空
翠化爲雲逸客聯幽興深杯駐夕曛
靜中換曉鳥流響四山聞

茂宰能乘暇清遊入社同言尋九曲嶺
長嘯半山風江動春雲外城低夕照中
歸途顧來徑翠色鬱橫空

暮春舟行苦熱

我行浮輕舟西上沂流逆南風揚飛沙三日驕不息春陽月
在辰炎暑氣如逼鑠淵多潛鱗熾林有伏翼行者頽汗流居
人御織綌陰雨屯其膏陂池斷泉脈新苗勢就槁老農而無
色訊彼五行家歲躔直火德陽氣亢有餘方春兆差忒早暵
誠當憂厥象顯可測楚南冬少雪秦豫地尤赤涉夏若不雨
恐復熾螟騰側聞 天家儲豐衍事殊昔梗稻來東南歲闕
百萬石漕輓嚴稽遲道路日被檄 詔書屬重臣浮海濟商
舶權宜佐大農廩縣官急從來經國家根本在民食蒸黎
多蓋藏京坻自充積皇仁如周宣偏沲庶消釋仰視星月光

憂來淚霑席

雨泊

雷雨動江湖煩蒸一洗無低雲沈岸柳遠漲入煙蕪避漏頻
移燭開尊自倚艫春田新水足農唱喜盈途

舟行風利

亂帆高下發汀洲岸柳搖青送客舟倏起銀山俄又滅橫江
飛捲白雲流

性上人還吳兼訊樗寮翁

不惜尋師遠飄然行腳僧覽來猶面壁歸去遂傳鐙堅固持
真諦聲聞謝小乘宗風開頓悟往矣繼南能

祇園聊結夏三宿亦殷勤樹待涼颿發帆從郢路分
海珠江海月杖錫泖湖雲去問松風長應成十賚文
松風亭長檣寮自號也

寄懷孝長

黃山峰坼大俄摧餘子安知國士才
少日聲名甘寂寞望中師友半塵埃
滄江風雨凋雙鬢先帝旌旗夢五臺
健羨人除榮觀謝暮年休擊唾壺哀

青溪煙雨圖冊爲李紫藩大令屬題

莫問烽煙事青溪日夜流向來簫管地
花月不知愁形勢金陵域煙花送六朝
千年龍虎氣恨接廣陵潮長城檀道濟
江左管夷吾寂寞思雄略山川空壯圖

扁舟聊放浪，戰鼓久銷沈。獨擊中流楫，臨江惜壯心。

答張瑋公

暗誦書三篋，旁通易九師。經年惟養疾，晚歲益耽奇。屈蠖甘无悶，雕龍薄不爲。研精吾媿汝，能下董生帷。

自結沙鷗社，長辭振鷺行。故人勞問訊，高詠動滄浪。郢路蘅離秀，秋風橘柚香。扁舟如見訪，待子賦褰裳。

簡陳西橋太守

秋到西陵郡，閣開風流坐。嘯擁樓臺碧，雞山繞蠻雲。峻白馬灘飛，映雨來過客。蘇黃詞並壯，州民屈宋古。多才何時竟，鼓扁舟與絳雪春。深一舉杯。

百家類編卷之二十一
四
答家簣軒學博

吾宗老博士矻矻久忘疲
綺季山中隱荀卿稷下師
文章凌一鶚談笑卻千羆
昨者高軒過秋天宿霧披

問我歸田樂蓬蒿喜漸深
霧迷元豹迹江洗白鷗心
漁父猶相答龐公或可尋
擔圭與析爵吾不易山林

郢中郡齋贈汪生詞源

子之先大父于我訂忘年
復見孫枝秀仍欣祖研傳
蘭筋終逐電苞羽必摩天
落落丈夫志將凭竹帛宣

河南招賈誼門下選王褒
大郡多文學羈遊得俊髦
漢濱寒木下郢甸暮山高
期爾蘭臺筆千年振楚騷

竟陵贈子重

別君猶壯齒開道已華顛產落奇荒後衰驚未老前勝情隨
病減孤詣藉詩傳羅米呼兒輩朝朝賣畫錢

咫尺不相見何論天一方空乘剡溪艇未過浣花堂老桂寒
留翠疏梅晚透香直須霜月滿步履詣城旁

題山泉障子

松盡雲無盡雲深松更深化爲半山雨散作百泉音石洞對
瓊液天風戛玉琴豈惟前俗耳亦以滌塵心

登竟陵北郭

昔望竟陵郭重經十九年郊坰變寒色平楚倍蒼然雲擁林

端岫霜清湖上田漢陰機未息擾擾媿塵緣

城南高士行

竟陵城南有高士頗似當年玉川子下牀見客恆杖藜白髮
飄蕭亂垂耳高士二十三十時結交閩里遊俠兒酒酣袒跣
縱六博昔何豪宕今何衰傲裘蒙戎襟袖穿日午不見厨突
煙稚子索飯遣之去吟詩追問朝無餽方駕杜陵翁排突李
崆峒欽崎不顧世人好慘澹疑經神鬼功紫微使者訊蓮軸
縣令相繼餽廩粟少年乞畫爭噉名粗糴淡飯始能足今年
江漢縱橫流赤子半化爲魚頭高士山田亦被潦縱然有秫
安能收到門好事復漸少始知豐嗇非人謀我來竟陵縣十

日未相見古城枯桑號天風漠漠寒雲雜冰霰卽愁高士凍
欲僵又恐越宿春無糧翩翩英俊登要津箕頰鼓腹稱逸民
奈何低頭守繩糞復遣坎壈纏其身大笑貽我書慰我毋嗟
吁老梅吐花繞深室雪霽倘肯訪蓬華解裘沽酒百不憂
杲
杲牆頭日將出

雪堂聽雨圖爲鄧小耘同年題

韡韡棠棣華交映何光榮奈何悵解析去家事遠征縞紵徧
四海豈若骨肉情沈沈臥官閣起坐懷屏營夜雨赴疾響中
有鴻鴈聲嗷嗷感羈客能不懷同生

同生夙所愛推重如惠連羣從盡覽舉奮起皆聯翩時作蠟

鳳戲會食銅槃前文藻世易觀孝友君獨偏曰余秉庭誥家
風固其然跬步不敢失夙夜尙慎旃

慎旃念濟美所慕在前規仲父擅奇偉振策方高馳千里奉
兄書歸隱資江湄長歌采芝尤白首歡連枝當年憶聽雨曾
假丹青爲繼世兩坡穎丹穴多奇姿惜哉少竹實不得相追
隨

追隨條已遠獨客來黃州翩翩典書記乃是元瑜儔雪堂峙
山堞下瞰滄江流江風吹暮雨復似彭城秋賓謙信云美未
若偕子由安居忽至樂在遠多離憂回首對牀夕嗟今何滯
留

滯留復在鄂南望仍迢迢歲晏盛風雪未泛瀟湘橈興言懷
諸季遊墅難可招別離如日月弦望當非遙上聖少煖席何
事傷飄搖郊禱待競爽皇路驅連鑣他年述聽雨共話金鑾
宵

寄張南山

選續蕭樓後名高魯殿餘孟堅人物表涑水見聞書遠道貽
瑤草深山問散樗殷勤長者意歲晚獨華予
冉冉方垂白孜孜尚汗青執文關顯晦河嶽聚英靈智慧堪
扶健神明與駐齡海南光氣在長望老人星

春望

春山垂柳外春水發桃花畫舫依明鏡朱樓倚暮霞清遊殊
綺麗物態足芳華蘭芴情何限汀洲日未斜

泛白鷺湖

空碧杳無盡遙峰浸欲沈春浮百花氣雨歇半湖陰積潦憂
昏墊荒祠閱古今年光舟楫裏客思故難任

湖陰有伍相祠

渡長湖

扼險誇三海荆南舊劃疆北塗過樊鄧西塞控睢漳往蹟頻
開塞通津遂渺茫下遊失宣導歲歲事隄防

長風吹五兩偏若與雲征夢穩魚龍窟春浮鴈鷺聲連岡陸
麥秀照水野桃明邱壑宜招隱茅茨倘可營

寄陳西橋太守

部下班春久河東上計遲
浮榮流水澹幽興故山期
高論來驚坐虛名媿下帷
離居俄浹歲何以慰朝飢
問訊風流守春來興若何
花光江郭動山色郡樓多
萬象供嘲諷千秋入網羅
西陵衣帶水未得汎清波

寄鄭香川

春草徑邊長白雲湖外深
壯懷叢百感冥想鬱孤吟
半畝數椽宅千秋一卷心
可堪元鬢改辛苦尙能任

贈龍翰臣學使

蒼梧有威鳳苞羽成文章
虞廷拊球石奮飛來帝旁
引吭

中嶰竹百鳥安能望一鳴景星見再鳴萬國昌 帝曰鳳鳥
氏往哉荆楚疆率先眾羽族養翮生輝光山雞及澤雉俾化
鸞與鳳鳳來羽族喜從之雲間翔殷勤爲銜致藹藹遊朝陽
和聲協韶濩用贊我 聖皇昭代多儒林經術邁前軌末流
趨榮名祿利半相詭惟楚稱多材邇來亦云靡峩峩轄軒來
正宜勵髦士羣籍羅山淵探原必經史希聖當有基約之自
踐履精貫通天人宏毅建奇偉營道無兩歧致用但一理諸
生如發蒙翕然返根柢濟濟植幹材翹秀自茲始岱嶽自忘
峻尾閭不知盈浩乎哲人量吐納何其宏疇昔忝傾蓋邂逅
值平生今來益折節款款申中情小人信固陋何以酬肫誠

僕指計師友桂材多俊英
謂蔣申甫師及朱伯韓侍御王少鶴農曹夫子最騰上
筭節儒臣榮枋用自此兆所欲吾道亨康屯在人傑瞻望良
非輕吾儕得飽食幸託名公卿

送湖蓮舫儀曹入都

江亭漠漠望離雲行矣雙龍劍氣分春盡故人還日下天高
華省傍星文
洽香復謁蓬萊殿起草終酬翰墨勛傳語鶴行
諸俊彥予情久狎白鷗羣

西來江漲蹴坤輿怒鬪平原氣有餘
每惜防川勞捧土不聞分勢議
廝渠橫流未息懷襄警古穴宜徵郡國書
止輦郎官應納說灑沈奇策定何如

苦雨歎

陰陽錯診不可測自春徂夏雨無極眵隰彌望成白波病農
腸飢哭無力去年江決漂民家委骨悉化龍與蛇涉冬橫潦
始稍斂低田成潦高成沙沿邨官賑亦復少築隄朝朝况不
飽殘黎性命纔如絲賣牛質衣無不爲來牟計日已可熟忍
死猶冀能充飢楚天淫霖勢不止陵陂二麥盡爛死稻苗纔
過三寸餘可憐青青沒在水高田低田殫爲河日夜驟雨傾
滂沱嗚呼昊天方降瘞縱有神農奈若何

答楊性農卽次其韻

江漢四溢潛與沱洞庭吐納沅湘波雨無其極潦將壯奈此

澤國生民何頃者漢決蕩民舍復似窮鳥亡其窠流庸被道
入夔萬攀陟石磴緣坡陀我坐空齋淚如雨鴻鴈之篇誰忍
哦故人貽牋述民困三復名論良不磨山澤弛利縱采取無
煩官吏嚴禁訶行糜貸租盡可罷自然大力甦沈痾莊山鑄
幣古不廢茲議豈得懷媿媿嗟君獻賦久未過天門九扇懸
嗟峨生平許身契與稷少陵中夜徒悲歌磊落非無濟世策
惜不致之金鑿坡我逃蓬藿亦已久君也獎飾何其多此邦
薦飢大無麥累月不見巴船過腐儒餽粥望一飽悠悠萬事
甘蹉跎

彭大夫行贈于蕃太守

百柱堂全集

卷十二

十

四十專城彭大夫朝天五馬行天衢九門揮鞭走蹀躞春花
爛漫開 皇都大夫昔爲柱下史翩然飛鳥萬餘里六詔山
川何阻深輿誦蒸蒸夾道起西南鐵壁森雄關哀牢塞外通
諸蠻犀珠象貝走內地大夫佐郡當其間金齒奸氓反覆久
被檄陳師擒賊後遠夷使者前敝關頗訝登陣盛兵守大夫
潭潭府中坐使者再拜謁庭左遣白若王母震驚但誅亂民
戒樂禍夷王誓伏 天朝威旋聞露布軍中馳大夫吏能信
精敏豈意籌略符兵機幕府騰章進闕下書生自致功名奇
計簿入奏朝明光賜金加秩褒循良歸來重渡西洱河碧雞
金馬凌嗟峨唐韋臯漢朱輔男兒立勳勳 明主唐蒙通道

何足數

家孝鳳兵曹緬甸風土詩題詞

濡毫柱史紀南荒

于蕃太守
方撰緬述

諫議雄詞金馬光驃國應傳新

樂部千年奉聖戴 君王

入度瀾滄萬里津夷酋重譯慕 皇仁中宵更上邊樓望南

斗遙遙拱北辰

哀彼氓

吾邑車灣隄決漂民數百家王子哀之賦是詩也

哀彼氓兮蚩蚩託性命兮危隄隄不可恃兮卒戕汝命化白骨兮爲塗泥化爲泥兮築不歇畚土盛兮半白骨泥雜骨兮

骨爲泥築未畢兮倏漂沒率水食人兮毒倍長蛟誰造禍兮
生厲階結筏賑粟兮汝弗逮汝不知兮謂天實爲災披髮騎
鯨兮訴蒼天天不聞兮亦不怒汝命在隄兮不在天汝死隄
兮汝曾不悟其故

芝房太史使車過南郡喜申良晤兼感李子梅生

賓賢千載會銜命五雲光道路占星使山川入夜郎停驂江
國外孽袂郢門旁向曉鋒車發仍憐別思長

逝矣謫仙子吟魂不可招風騷失雄伯宙合莽蕭條楚國奠
生沒天年賈傅凋因君話疇昔回首酒盞遙

待歸草堂歌奉送方伯唐公歸黔陽

進不必督八州退不必就一邱大賢進退自殊眾世俗安得
知其由遭逢特擢寄心膺天下喜得見申甫持節旬宣再至
楚元黃補救心獨苦超然勇退遠解組傾城冠蓋出祖帳道
旁觀者悉惆悵觀者勿惆悵達人卷舒各有尚神虬挾雲騰
九天忽然屈曲蟠深淵吹毛刺鐘利無比有時挂壁韜龍泉
中林有棘鸞徘徊曲徑易蒼飛黃才廣川無梁石齒齒波濤
震激生風雷古來禹稷非斧柯良會豈得無蹉跎沈吟此意
知者稀有堂待歸胡不歸山中猿鶴望已久海內蒼生盡回
首未老猶懷報國心乞歸暫袖經天手方今柱石推數公公
也磊落與之同英姿毅力豈易得天子深知才且忠東南

猶有嗷鴻聲五溪跳梁方弄兵 堯仁如天尙咨儆股肱宣
力資豪英名臣身興國家繫草堂高臥豈公意九重思公未
嘗置東山早晚詔書至得不投袂起濟世

楚兩公行

兩公者湘陰李公及沔陽陸公也道光二十八年冬一甲
旨罷天下漕改征銀李公時督兩江三上疏爭之陸公相
繼陳奏事得廢王子美之作是詩也

兩公奮起楚南北今之李陸古禹稷 天子無復東南憂總
制三吳繼宣力國家漕粟輸中都租庸大半資三吳邇來歲
闕百萬石大農廩廩唯嗟吁是時宵旰重國計公卿上殿日

論事請罷漕輓皆征銀關輔糴粟自足濟 帝曰試可先頒
之詔出外廷不得議李公引義陳疏爭經常賦法難變更農
不出蠲但出粟責以納銀非所征大厯兩稅制一變折錢遂
廢穀與絹無益於國徒病農法雖簡易實非便京師和糴自
一策不幸脫有水旱迫天庾無粟支十年緩急誰當任其責
臣爲大臣分 主憂軍國深惟根本謀嚴旨敦促事難已辰
告何敢忘遠猶疏入廷議尙見沮奏牘不憚再三補陸公繼
之言略同先後竟獲回天功有詔賦法悉如舊天下歸功楚
兩公兩公侃侃善持正臣直由來特 主聖稽謀從眾堯舜
心一言轉圜四海慶和氣感召回上蒼三登太平昭降康有

君如此豈可負兩公遭逢信非偶吾儕小人農家流努力疾
耕事南畝請爲太倉補升斗

題張武昌

仲遠

閱菑詩後

張侯閱菑詩詩成有餘淚親見嗷鴻聲旦夕就死地自傷官
秩卑呼號力難濟國恩非不優事權實有制以茲內自劾寢
食切憂媿吾聞武昌民兩荷再生賜豈無溝中瘠亦感賢長
吏憫怛心有餘肉骨實無異嗟乎得民深乃過釜鍾惠同時
李公安

紫樞

救菑亦况瘁州邑千百餘安得悉君輩飢寒盡

噢咻林總免凋敝兩君恥求名課績未書最擢之倡循良庶
幾勸吏治薦賢康生民豈不在高位

百柱堂全集卷十三 庚戌辛亥

監利王柏心子壽著

大行皇帝挽歌

文母徽音邈官廷正宅憂如何天降割遽及病彌留陽德三

朝厄日食三朝尊者所惡今歲元旦有是災 神靈九廟遊乘雲厭人代縹渺想

龍旂

化穆垂裳日功成鑄鼎時顯謨千禩煥遺詔萬方悲陟降通

閭闔勛華謝耄期恭聞嗣皇孝翼室極哀思

龍潛昭智勇靖變翊先皇親掃妖星落丕承寶曆昌受俘唐

賀魯通塞漢延光天覆尤無外鯨波永不揚

綱紀皆躬攬欽哉屢省成勤民諮牧守虛己納公卿珍異停
毋獻巡遊罷不行法官三十載上理在昇平

氣數偏多忒元黃診至今儉能崇禹德憂未釋堯心貢篚裁
三服營臺惜百金頻年獨貸詔父老涕沾襟

弓劍攀龍馭旌旗盛虎賁赴陵同軌至引絳萬靈奔象衛山
河拱鴻名日月尊空慚郎署籍未守孝文園

奉寄張武昌

塵甑朝朝滿吾憐張武昌吹噓起凋瘵流冗復耕桑馴雉符
三異烹鮮效一方栖遲仍下邑誰草薦賢章

野望

春風本無約，草色自知歸。逐雨迷平野，和煙上翠微。已看新燕掠，漸見早鶯飛。無數天桃萼，參差弄夕暉。

山園牡丹新放一枝

國色忽驚眾，山園頓破荒。騁姿殊偉麗，斂態倏矜莊。朝雨融鉛粉，仙雲拂錦裳。惟應命尊酒，與爾駐年芳。

送巴小愚還歛

曾聞雲海盪心胸，石畔松根盡化龍。安得共君凌絕頂，倒看三十六芙蓉。

征帆

波影混遙青，征帆且未停。葑多低入浦，柳密曲藏汀。春色隨

流水生涯老客星
闕川空自感又見絮爲萍

舟行書所見

戶口百餘萬寥寥僅有存
一春仰螺蚌千里斷雞豚
沙磧迷荒漚汗萊滿廢原
溝渠如不復版築亦空論

生計今何恃方春待服疇
鬻兒備種桂忍死望來牟
蠲賦恩頻沛宣防役未休
自非咨后稷誰釋帝堯憂

題郭南村吟卷

故人搖落盡一老臥荒城
鄉里薦饑饉妻孥半死生
孤吟彌激楚高步獨崢嶸
願子愛光景時餐瑤草英

裕東巖宮傳平南凱歌

元戎破賊紫金山露布威聲震百蠻朱紱遂超三事上彤弓
新錫五雲間

三路連營遏寇衝征南武庫獨羅胸洗兵直挽湘江水積甲
還高石廩峰

兇黨探丸起陸梁化爲封豕與貪狼河魁上將臨南斗卻指
妖星頓斂芒

令嚴三刻盡踰溝直渡潭州與邵州按轡無聲都未覺中宵
已過萬籟貅

募士營門大散金溪丁峒戶並同心謀成早握摧枯勢一鼓
無勞七縱擒

百相堂全集 卷一三
九天誰解測兵機間道先登大將旂親躡窮山搜虎穴始驚
丞相是天威

亂領妖腰欺爾曹自干誅殛那能逃頭顱但足污礎斧血染
空山鬼不號

投戈道左拜車塵三面都歸解網仁禍福但看分順逆長爲
忠孝太平民

宋家天使奪崑崙儂賊猶傳走自燔何似奇功真折首凶渠
面縛獻轅門

買犢新耕戰後沙盡銷刀劍事桑麻凱歌初唱農歌起風裏
香來屬稻花

出師新柳拂江城歸及榴花照眼明
裴合指揮淮蔡破潞公
旬日貝州平

黔山粵嶠靖烽煙不獨衡湘罷控弦
玉帳六韜高將略銅標
萬古峙蠻天

乾坤戰氣自今銷大傅威勛播兩朝
闕下受俘行告廟定知
天上慰神堯

師臣高秩獎元功羊傅助階謝傅同
若共兩賢論戰績還應
汗馬遜明公

旋師馬上奏鏡歌更喜年豐樂氣多
紅旆渡江平似鏡威名
到處囂蛟鼉

雄偉誰當吏部詞紀功
濡筆待淋漓高銘大別鐫
衡嶽雙照穹蒼萬丈碑

藻園秋讌觀荷花柬性田詹事

乍喜炎威退登君池畔樓
消分江雨細林進野風秋
曲檻多臨水疏簾盡上鉤
蕭然生遠想興在白蘋洲

波明如拭鏡照影盡紅妝
越女施朱粉天孫濯錦裳
魚窺都覺豔鷗夢不離香
采采殊非遠無須悵夕陽

射釣俱從好諧談靡不宜
清遊隨地足樂事任賓爲
觴政無妨緩更籌不厭遲
延涼兼選勝此會過南皮

章華寺僧索贈

高臺銷霸業開士滌塵心卓錫宗風暢傳鐙定力深松陰承
寶地花雨潤珠林丈室何時到來聽清梵音

南郡九日追興

寒色逼孤城高鴻厲遠征二儀催急景萬木戰商聲吹帽憐
秋鬢銜杯散旅情故山饒杞菊搔首望柴荆

洪都吟寄答陳子宣公子

洪都城下雙江流故人題詩城上樓江干鯉魚泝波上西風
吹墮章臺秋章臺洪都幾千里故人相憶尙不已贈我長歌
復奇偉才兼鮑照差可擬憶昨萬羽乘秋颯潁川公子人中
豪連城在抱不見削萬言棄之如鴻毛飄飄彭蠡東揚舲往

看九疊廬山屏銀河落天灑萬丈洗出五老雲中青笑呼李
白起攜手海風江月傾玉瓶萬古之愁忽銷盡百花洲畔花
冥冥醉臥花間不願醒君家列戟尚書第盛德清芬播海內
高才傑出廊廟姿肯向江潭效憔悴遠遊羈客行歸來側聞
有詔羅英才時有請開
鴻博科者制科早晚鶴書下王褒終軍何人哉
不見九扇天門開

沙津道中

曠野商飈息餘聲勁尙留柏楓翻遠渚葭莢折寒流霸業三
休渺詞人九辨愁超然觀物理萬化若奔駒

歸興

肅氣厲金商回颿激大荒江河驚逝水關塞懍飛霜地僻元
虬蟄山深赤鳳藏茹芝兼采菊歸興足餘糧

陸城感舊吟示心海

故人居蒼山隔在滄波間不見故人从飛夢時往還
山色如比鄰日夕情所親見山心尙爾何況懷故人
故人招我遊因泛江上舟亂流渡白馬長嘯凌滄洲
步麓循舊蹤環城千萬峰凋年鬱深秀爲我回春容
徧訪故人宅知舊半存沒沒者已宿草存者亦班白
故人喜我至欵曲各申意邀我傾尊罍雜沓語近事
屬者天降瘥跋浪驚蛟龍不死出天幸語罷淚滂沱

賤子困奔走西行出隴右復經齊豫燕潛郎送華首棄之駕
言歸榮名竟何有

念此增感傷喟然忽停觴別來僅踰紀山岳眞茫茫
浮雲乘長颿翻空如波濤六龍運元氣萬古猶崇朝
彭聃久枯槁學仙復誰保人生駒隙間安得不速老
速老何用歎進酒踟復歡依依更剪燭北斗橫闕干
甚荷諸公知甚辱諸公期幸襄文字役復此談燕時
古來放達人蕩滌謝塵滓陶公耽麴蘖謝客樂山水當其意
所諧形骸直敝屣

茲邦雲壑殊肖我家山居况兼今舊雨

謂鄴柳塘孝廉及
吳秋潭鍾柱舟意

氣皆友于

萬事空浮煙煩憂徒自煎相逢不盡飲日月如奔泉獻歲當
命履共陟羣峰巔所期掇瑤草長保金石年

春寄明韞田觀察

雙旌高擁大江環治行龔黃伯仲間譽峻風生驄馬步政成
春滿鳳凰山承恩定拜楓宸詔謁 帝行趨朵殿班三載荆
臺回首處清尊鈴閣悵難攀

寄呈鳧鄉太常

鶴髮巍然典奉常昇平禮樂有輝光 帝廷班列陪鳩扈天
老從容答鳳凰四海詞流尊斗宿三朝壽俊壯巖廊卽今退

食清齋暇猶自揮毫數舉觴

愛士風流天下聞
夔龍不忘野鷗羣
將令小草徵安石
曾擬長楊薦子雲
霄漢空懸閭闔夢
漁樵虛負聖明君
遙傳大雅扶輪意
叢桂深山已吐芬

寄袖石太史時直南齋

祕省高居尺五間
紉書人盡列仙班
天文清切蓬萊殿
地望深嚴冊府山
可但翻飛舒鳳藻
能無忠讜慰龍顏
雲霄倘問滄洲客
論就潛夫只閉關

輓侯官林公

推轂頻陽起將兵
元戎輿疾赴南征
方看甲洗天河水
誰道

星沈漢相營劍氣蛟龍猶鬱勃陣雲蛇鳥尙縱橫天涯遙哭
嚴公櫬闔海悲風卷旆旌

萬里長城屬一身崎嶇持節靖烽塵九邊獨任安危計四海
道思老大臣尙有威稜驚蜃鱷豈無圖畫重麒麟出羣才略
今誰匹文武威風見此人

輪臺孤月照丹衷曾向關門歎轉蓬尸諫傷心史魚節

謂王文恪

謗書流涕樂羊功新傳詔旨褒殊績舊荷

先皇察至忠白

首騎箕更何恨征蠻恨未奏膚功

行隄殖穀救民饑方略均爲岳牧師君實姓名傳婦孺晉公
勛望播華夷不登台輔人情惜得配烝嘗祀典宜贈卹禮文

輝道路 皇情猶自不勝悲

餘事生平擅表牋每聞章上舉朝傳營平曲折屯田奏諸葛
忠勤作牧篇東閣風流思往日西州涕淚灑他年希文事業
諸郎在好繼功名國史編

寄懷播州唐公

送客巴州湖上樓西南天盡洞庭浮忠勤暫輟陶公甃勲業
翻歸少伯舟紫極正懸新日月白雲仍戀舊山邱遺榮共羨
懸車早高蹈眞居第一流

賓館平津總未忘楚江高會遂茫茫孤吟澤國雙蓬鬢萬里
黔山一草堂何日更看龍劍合經年惟盼鴈書長眼中不見

劉公幹

謂孝長

回首西園各斷腸

寄夏秋丞都中

驅車仍聽

帝城鐘絳闕參差望九重畿輔地形高涿鹿關

門山勢抱盧龍

闕在示平度歲

才名荀陸應誰匹酒市荆高或可逢

遙想春風辭漢殿翩然飛鳥領花封

寄吳又桓孝廉

金門高接上清居鶻鶻青雲會石渠仙侶聞風養沈瀆美人

空谷闕瓊瑤鄉陽尚作諸侯客元叔猶隨計吏車早晚定逢

楊意薦君才豈合老蓬廬

贈退甫

南柱堂全集

卷十三

爲儒常近俠于道亦無疵頽俗猶堪振英流定見奇梅鵬圖
自遠天馬步難羈曲逆非長賤徒勞下土嗤

贈心海

獨往有天趣長貧無作顏澆書傾白墮鑿壁納青山妻子盡
恬雅漁樵時往還倦來雲忽起心亦與之間

贈秋潭

此邦有志士孤潔比幽蘭亦覺世多忤其如性所安三春蒿
滿徑終歲楮爲冠擾擾逐聲利浮雲何足觀

贈默初

茫茫真宰意富子以窮愁金盞始歸里糧空仍出遊工詩竟

何用仰屋只增憂卽此鍊奇骨方爲豪傑流

稊柳

稊柳爾何意搖情解動人都將無限態併作可憐春燕涼猶
迷巷鶯來漸卜鄰鬢絲羞對汝只益客愁新

對雨

盡日雨鳩噉林煙漠漠低白翻千澗水紅濺百花泥雲氣寒
逾重山容羸更齊言遲素心侶蠟屐恐難攜

陸城春感

山城春過半花事惜將闌雨挾三江壯雲連五渚寒倦聽宵
折永深擁曉衾單聞道南征將千峰捲甲難

吾鄉

吾鄉原澤國雨更助春流卽恐江湖溢仍煩父老憂未能資
蘧深只覺損來牟保障惟良吏應先徹士謀

雨中絕句

北風吹雨溼簾旌日見門前春水生花信番番看欲盡山城
如夢不聞鶯

已遣桃花歷亂飄廉纖不放海棠嬌無聲但有燕支淚沁入
春泥恨未銷

弱柳垂垂大道邊腰支困頓只如眠新鬟墮馬梳難就禁雨
禁風最可憐

春愁

春愁無着處散入柳梢頭柳弱仍難縮隨風易作愁含情迎
紺幘搖緒拂紅樓容易成飛絮芳年逐水流

季春雷雪

雷雪何兼至陽和候久違風聲驕雨力春色避寒威詎遣占
蒙氣誰能測化機欲推洪範傳茲異恐非微

偕公益出陸城南郭至佛嶺憩僧寺歸得詩七首

出郭不辭遠同耽勝地偏雲山紆麗矚花柳競芳年磴曲時
臨壑村深但露煙塔鈴何忽振清響落諸天

去岫參差送來峰迤邐迎花濃舒作錦松密疊疑城野馬無

端逐山禽何處鳴悠然辭物役太息悟勞生

這樸山川在居然巢燧同人栖雲氣裏春老澗聲中土瘠兼
沙墾租寬冀歲豐近聞誇茗利逐末漸成風

雨後春流漲山泉勢盡歸盤渦看鷺浴噴雪駭龍飛岡束溪
痕狹橋欹石徑微迎風花片落吹滿釣漁磯

一嶺橫空起何年剗嶂深關憑龍象力嘯振鳳鶯音華子剛
疑到王官谷可尋吾家施僧宅猶闕去來今

寺爲先太高祖施

夙聞茲境異今始識山靈嵐合雲光碧淙飛石氣青楚來供
徙倚遠想入空冥安得草堂就茲焉可勒銘

寺門羅眾岫晴翠滿衣裳歸犢來深隴飛禽下夕陽紛吾涉

塵累欲去重徬徨與訂重來約題詩證法王

鄭侯行贈鄭香谷少府

鄭侯作尉喜風雅蕭然在官如在野豈知兵甲羅胸中曾向
沙場親躍馬當時將帥圖雲臺錦衣壯士歡如雷秩卑不得
上功狀落拓仗劍仍歸來我見鄭侯頭已白酒酣爲我道疇
昔九疑山高烽火紅我師環之未敢攻桓桓將軍羅天鵬摩
空直上如飛騰健兒肉薄從之登俄頃已見紅旆升狂賊大
驚各逃死一鼓殲之羊泉市令嚴將勇功必成勝算兵家無
過此肉食論功笑餘子卽今嶺表多戰雲三載捷書猶未聞
羽檄徵兵日屯守議功議撫徒紛紛惜哉不見羅將軍

送馮孝則大令移宰衡陽

仙鳥俄高舉翩然七二峰
下車美秔稻挂笏望芙蓉
地控三湘上山當百粵
衝名邦資展驥撫字得從容

忽忽臨歧路徘徊尊酒間
遙情江上柳別夢中山
鶯谷留高唱驪歌動客顏
衡陽秋有鴈好付尺書還

陸城清明

鳥語聚花枝朝來晴可知
溪奔喧愈起雲溼斂猶遲
山郭春將晚村醪醉不辭
年年逢令節羈館負芳時

季春十日晝晦移時雨如注

當晝忽冥晦翻盆雨未休
漂山乘瀑走捲海向空流
魚鮪驚

移窟蛟龍怒拔湫洗兵天有意長靖粵山陬

是夕復大雷雨

雨雹鬪雷霆燒空紫電熒熊咆當夜急龍氣逼天腥陸訝沈
千嶂波愁滙四溟廣川究災異或擬對明廷
赴郡行有日矣山園牡丹競放恨然有作

家山難違別况是牡丹期正爾堪矜賞如何更遠離煙深含
萼重雨漬坼苞遲喜見林端旭爭呈冠世姿

瑤臺羣豔集忽訝到山家相約東風裏飛觴醉紫霞迷離九
華帳雜遝五雲車冉冉浮香霧惟驚舞袖斜

雨雹行

一春已過七十日雨六十日勢未畢近者飛雹尤縱橫驚霆
破山電穿室麥苗青青俄已枯稻種漂溺成江湖少陽用事
驟凜冽眼中此異驚所無得非嶺表困虺毒王師久未滌山
谷天意掃穴在神地不爾何以變寒肅嗚呼農命輕如毛北
風震天猶怒號

渡白鷺湖

飛飛雙白鷺導我渡湖雲浸日紅交射浮天綠不分歧津迷
燕尾細浪靜龍文清贖菰蒲外漁榔隱可聞

答楞翁

學業獨潛心年衰力尙任道嗟千聖遠病臥五湖深不墜傳

薪緒遙聞伐木音，停雲滄海畔，吾擬夢中尋。

劉懷祖上舍吳遊歸過訪喜贈

足音趫然來，乃吾故人子。云泝長江流，直泛大海水。壯哉東南區，包納會眾美。良臣督八州，峻望若山峙。頗喜年少英，東閣爲倒屣。因之爲賢豪，山川縱高視。子本權奇才，得茲助閱偉。黃鵠摩蒼天，溟鵬運萬里。願嗤燕雀儕，枋榆未決起。

逸才紹先緒，比于乘有臯。尙憐困白袷，壁立猶鬱陶。吾聞傑士出，往往由蓬蒿。深沈養奇抱，文武惟所操。欻然與時會，運之曾不勞。子其廣厥藎，以待風雲遭。徒言富文藻，詎足當人豪。

答馮展雲太史時督學山左

少年乘傳比終童才子名高禁近中
北斗遂能符士望南車何幸得詞雄
探奇碑證先秦字表海詩陳大國風
魯有兩生今致否薦賢應過叔孫通

原隰皇華映道途遠勞尺素下江湖
豈知海岱羅奇士猶向煙波問釣徒
日月初元昭復且風雲羣彥奮高衢
巢由無補甘長往高臥山中作散樗

于蕃太守自滇入覲道過郢門重得邂逅

隔歲仍從洱海來荆南重遇暫銜杯
瘡痍涕淚嗟兵氣人物艱難數將才
作郡獨當千里寄朝天遙望五雲開
看君樹績

宜方鎮寵命行磨節鉞回

雨中聞軍過

雨急連江暗軍行度嶺遲已聞艱餽餼多恐溼旌旗天討原
難緩民勞致告疲父兄如僕射感激定爭馳

喜聞子宣歸自豫章

別意如江水滔滔九派分化爲廬阜月流照遠隨君似報扁
舟返應題尺素聞溟鵬今甦息秋翻厲高雲

慰林生天直秒試報罷

驚風蕩萬壑颯然天地秋眾鳥奮羽翩翩鳴且遊角鷹伏
猛氣不得迅擊鞬壯士亦如此坎壈恆呻吟憂世運任回幹斧

柯難可求空蘊大略豈釋潦倒羞道逢少年子軒車如雲
浮顧問汝何疾抱玉委道周華實各蚤暮良與爾殊斲

黃帝得風后燕昭用樂生推轂在一士指顧功已成西南盛
殺氣招搖中夜明文昌出上將馳驅天策兵仗鉞用高秩持
此當長城奇才臥巖穴未有頗牧名迢迢夢與卜安得通精
誠陰符遂埃蝨劍氣徒縱橫築壇不可遇寄食且吞聲

輓湘陰李文恭公

粵嶠騰妖霧管門落大星辭親傳壯烈報國託精靈露布頻
相繼雲車遂不停猶餘忠赤在耿耿照丹青
已奪崑崙險親揮羽扇軍連營多嘆惜抗表遂紛紜慷慨瑯